



Broj: 15-03-16-5-2262/16
Datum: 16.1.2017. godine

Na osnovu člana 61. Zakona o upravi (Službeni glasnik BiH broj 32/02), člana 19. Zakona o Agenciji za identifikaciona dokumenta, evidenciju i razmjenu podataka BiH (Službeni glasnik BiH broj 56/08), člana 69. stav 2. tačka d) i člana 70. Zakona o javnim nabavkama BiH (Službeni glasnik BiH broj 39/14), direktor Agencije donosi slijedeću:

ODLUKU o poništenju postupka nabavke

I

Poništava se postupak javne nabavke mrežne opreme objavljen na web portalu Agencije za javne nabavke BiH, broj obavještenja: 1110-1-2-90-3-103/16 od 02.11.2016. godine, koji je proveden u skladu sa procedurom otvorenog postupka.

II

Ova odluka će se dostaviti ponuđačima u roku od 3 (tri) dana, a najkasnije u roku od 7 (sedam) dana od dana donošenja.

III

Ova odluka stupa na snagu danom donošenja.

O b r a z l o ž e n j e

Na osnovu provedenog postupka nabavke, Komisija za nabavke je konstatovala da je rok za dostavu ponuda 28.11.2016. godine do 10:00 sati, te da je do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigla samo 1 (jedna) i to Konzorcijuma MRG export-import d.o.o. Banja Luka i INSIG 2 d.o.o. Zagreb. Neblagovremenih ponuda nije bilo.

Komisija je predložila donošenje odluke o poništenju postupka nabavke, u skladu sa članom 69. stav 2. tačka d) Zakona o javnim nabavkama BiH, iz razloga što




je ponuda jedinog ponuđača koji je dostavio ponudu ocijenjena kao neprihvatljiva nakon izvršene provjere prema uslovima učešća u tenderskoj dokumentaciji.

Komisija je prema specifikaciji navedenoj u tenderskoj dokumentaciji, provedenom postupku analize i ocjene ponuda izradila Zapisnik o ocjeni ponuda, u kojem su detaljno obrazloženi razlozi za poništenje postupka nabavke.

Ponuda Konzorcijuma MRG export-import d.o.o. Banja Luka i INSIG 2 d.o.o. Zagreb ne ispunjava zahtjeve iz tenderske dokumentacije u pogledu tehničkih specifikacija u dijelu koji se odnosi na zahtijevane rokove održavanja, a koji rokovi su jasni navedeni i u tenderskoj dokumentaciji i u nacrtu ugovora. Naime, u tenderskoj je navedeno da se davalac usluga obavezuje da će biti dostupan korisniku usluga po principu 24/7x365 za prijem poziva i pristupiti hitnoj intervenciji odmah, a najkasnije u roku od 24 sata od trenutka prijema poziva, a u slučaju redovnog održavanja u roku od 7 dana od trenutka prijema poziva. Davalac usluga se obavezuje da po prijemu poziva na adresu korisnika usluga pošalje servisera da izvrši popravak uređaja na licu mjesta. U slučaju da se kvar ne može otkloniti na licu mjesta, neophodno je da serviser preuzme opremu od korisnika usluga uz obaveznu popravku i vraćanje preuzetog uređaja u skladu sa gore navedenim rokovima. Međutim, ponuđač je na strani 59 dostavljene ponude priložio Izjavu u kojoj navodi da nije u mogućnosti za pojedine slučajeve ispoštovati zahtjeve Agencije kao ugovornog organa, odnosno korisnika usluga u pogledu rokova za izvršenje intervencije, kao i da će u pojedinim slučajevima uređaji morati biti slani na servis proizvođaču, a što nije u skladu sa tenderskom dokumentacijom.

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 (deset) dana od dana prijema ove odluke. Žalilac izjavljuje žalbu Uredu za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

X 

DIREKTOR

Edim Nesimi

дигитално потписано / digitalno potpisano / digitally signed
Signed by: ENESIM